

## **Beneficia Vetera Et Nova, Divæ Virginis Dittelbacensis**

**Sang, Eucharius**

**Wirceburgi, 1607**

Capvt I. Diuam Virginem, omniu[m] mortalium esse parentem.

---

[urn:nbn:de:hbz:466:1-64129](https://nbn-resolving.de/urn:nbn:de:hbz:466:1-64129)

I

# DE BENEFICIIS VETERIBVS ET NOVIS DIVÆ VIRGINIS DETTELBACENSIS.

## C A P V T I.

Diuam Virginem, omniū mortaliū esse parentem.



Inimè falluntur, qui, præpotentis DEI, parentem, omnium parentem, & patronam consti- tuunt, communemque volunt esse canalem, per quem Numen diuinum beneficia, & dona sua, effundat in genus humanum.

Innumera miracula, in diuersis orbis partibus, per illam patrata, docent, non vnius gentis, aut regio- nis, sed omnium esse Matrem, totiusque orbis cu- stodem, & præsidem.

Prædicat & extollit eius Beneficia Italia, in Æde præsertim Lauretana. In monte Serrato. Hispania. Massiliæ, Gallia. Hallis & Sichem ij, Belgium. Opis &

auxilij illius expersnè Germania , aut Franconia nostra hæc inclyta : vetera , noua , rara , & illustria beneficia ipsi collata , docent amorem . Sit Beneficarii suæ æternum grata .

Dettelbachium opidum est , V Virceburgo vicinum : Præsulibus & Ducibus Franconiæ paret . Habet extra mænia Ædem opere & structura nobilem , DEI Matri sacram : & quod amplius , miraculis olim claram . Sed claritudinem & famam quasi omnem amiserat annis superioribus , quando per Franconiam & vniuersam Germaniam , fides & religio Catholica iacuit fermè extincta . Verum nuperilla , quasi postliminio restituta , Præsulis IVLII vigilantia , & singulari in primis Numinis Diuini fauore , denuo se matrem ostendit : agrotantibus officinam medicinae : fontem perennem curationum : remedium aduersus demones : & ciuitatem refugij omnibus ad se configentibus . Cæterum ipsius facelli & miraculorum in eo patratorum , quo magis innotescant initia , altius ordiamur .

## C A P V T II.

### De primo miraculo apud D. Virginis Dettelbacensis effigiem patrato.

**M**os olim erat laudatissimus per vniuersam Germaniam , publicis in vijs , sacras imagines , & statuas figere , vt earum aspectu viato-

Damascœ.  
orat: 2. de  
dormit:  
Deipara.